

故宮
珍
藏
本
刊
列

清宣宗文宗穆宗德宗詩文



故宮博物院編

海南出版社

故宮珍本叢刊第 583 冊清代御製詩文集

故宮博物院編

清宣宗御製文

清文宗御製詩文

清穆宗御製詩文

清德宗御製詩文

海南出版社

圖書在版編目(CIP)數據

故宮珍本叢刊/故宮博物院編。—影印本。—海口:海南出版社,2000.6

本書包括:萬壽詩/(清)世祖撰·清聖祖御製詩/(清)聖祖撰·清聖祖御製文/(清)聖祖撰等 17 種書

ISBN 7-80645-664-3

I. 故… II. 故… III. ①詩歌-作品集-中國-清代②散文-作品集-中國-清代
IV. I214.91

中國版本圖書館 CIP 數據核字(1999)第 63607 號

故宮珍本叢刊第 583 冊

清代御製詩文集

清宣宗御製文·清文宗御製詩文·清穆宗御製詩文·清德宗御製詩文

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:34 印數:1-400 冊

ISBN 7-80645-664-3/I·68

定價:6630 元(清代御製詩文集 17 種共 42 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

御製文初集序

予於文惟自攄心得未嘗刻意
求工潛邸時日課所積既載之
養正書屋詩文集矣前歲大
學士曹振鏞等奏刊御製詩初

集現已頒行茲復編輯登極後
至今所作各體文請付剞劂並
乞并言人君撫有方夏一日萬
幾所重原不在詞章御宇以來
孜孜圖治日昃不遑何暇染翰

操觚研覃著述閱時十載得文
僅五十九首顧其中摛辭指事
有與治術道原足相闡發者經
筵臨雍諸論修凝之奧蘊也

聖訓

實錄諸序繼述之殷懷也
聖母萬壽恭頌篤慶承歡
慈孝之心洽焉告成太學碑文
綏邊奮武逆順之理彰焉論任
賢去邪廉法昭而百官奉職序

續纂通禮軌物辨而萬姓嚮方
 凡皆臨政之大徑宰治之根本
 如徒以文集視之則是懷銘提
 槩締章繪句者之所為豈統馭
 寰區者之所尚哉是集刊布觀

者知予維世之深心於宵旰敬
 勤牖民立教之旨或庶幾焉爰
 如所請而為序云

道光十一年歲次辛卯孟春月

御製

奏為恭請編刻

御製文初集以彰

文治以廣

訓行事欽惟我

皇上德業日新

聰明天亶緬

堯仁之魏煥有文實並於有功恢

禹績於儉勤為度更欽夫為律是彛是訓因

御製文初集

奏摺

敷教以數猷

作君作師本傳心以傳學往古來今日宙立德立功而

繼以立言經天緯地為文如絲如綸而申之如緯

故

體兼眾製倬雲漢之為章即事綜

萬幾暢淵泉之時出法賅乎禮樂政刑之大義括乎典

謨訓誥之全蓋自

養正功深早探源於

潛邸逮夫

大學士臣曹振鏞等跪

綏邊績歲復揚

烈於

陪京臚二十四卷之

琅函萃千五百篇之

寶什

宸極甫臨乎八載

御詩已蔚為初編斯固襲奉琳琅屢瞻景慶廣膠庠之

誦習徧陬溼以漸摩矣顧五聲八音在治忽既欽

詩教之宣而六府三事惟修和尤企

御製文初集

奏摺

二

文思之被雖愧箭捫槃扣彌思蠡測筦闕竊惟尊經以

講幄為先

闡道則

辟雍最重

皇上論探精蘊理究淵微書稱允執厥中易曰自彊不

息

正心誠意清衆好衆惡之源

節用愛人立不侈不驕之範

懷永圖於儉德罔改度於側言考績任賢明刑弼教

沛澤同於憐載大德曰生

達聰廣以咨詢好問則裕天助順人助信吉協師貞生

之衆用之舒化臻解阜此則侍數陳於

經殿

道炳丹書環觀聽於橋門聲高木鐸者也若夫志善繼

者事善述謨丕顯者烈丕承

皇上敬以事

天誠惟法

祖

御製文初集

奏摺

三

紹

聞彌切嗣

服維殷溯廿五載之

茂矩崇規繼

詒謀於燕翼垂億萬世之

金繩寶錄

敬紀實於鴻篇蓋

聖人之德無加於孝而至治之極先順乎

親尊長樂之

母儀

慈雲秩祐

頌

思齊之懿範

愛日延祺藹

盛世之祥暉萃

天家之樂事由是

恩推一本隆長長而有加禮絕羣僚篤親親而逾摯

情深惇敘

御製文初集

奏摺

治協平康

勤求乎汝翼汝為克詰於庶言庶獄官箴必飭杜苞苴

而節勵羔羊民隱周知戒玩愒而訟清雀鼠申曲

法徇私之

諭母為依樣葫蘆

示三畏四勿之防當念出身科第重進賢之責公舉劾

而勉副

旁求

書獲咎之由燭幽隱而絕無成見聿播

德音之秩秩務期吏治之蒸蒸猶且

實畏加嚴

申虞益密事圖便已但纖微亦斥其紛華政貴宜民縱

鉅億無嫌於修舉量裁緝節酌減常供引

對

批章恒凜

虞廷之兢業涼臺煥館并無文囿之經營摛

寶翰於書齋

識語舉檢身之義移

御製文初集

奏摺

璇題於

寢殿顧設嚴

賜額之名憶

六齡作

聖之基果行育德製

四箴惟

皇之極旰食宵衣時切

省躬

天豈有宿離之忒每懷

納善海自昭翕受之宏要皆本諸身而徵諸民罔弗思
其艱以圖其易加以

綏懷藩徼擴畏

神服

教之模

整飭旗營裕內靖外安之畧無遠弗屆新疆久被

文明惟斷乃成回部爰伸

捷伐

皇上運神機於心鶴瞭絕域若掌螺法地水以行師奏

御製文初集

奏摺

六

績於一年之速挽天河以洗甲捨渠於萬里而遙

乃復登進鷓班

命開麟閣腰間帶箭已圖邊將之風雲頰上添毫還寫

廷臣之劍佩特揮

天筆羣仰

廟謀

大武維揚

紀績則告成於學微勞必錄

贊詞亦各肖其人至若

嘉息兵罷役之辭則風懷貞觀

序安上全下之禮則治美成周瑞雪占年積霰共金壺

俱灑陽春入律飄雲借寶墨齊霏鸞鳳藻以騰華

咸備駒駘之上選襄龍牋而吐潤迴踰鵠鶴之珍

材甄陶因心造化在手斯又學古有獲與時而借

行體物不遺多文以為富者矣臣等近依

紫禁親捧

丹毫

慧鏡光融骨徵與旨微言之闡發

御製文初集

奏摺

七

智珠朗澈悉屬

勅幾凝命之根原決歲剛逢臚忱共顙見雲縵星輝之

盛並思翹首以瞻

天聞金聲玉振之成疇弗傾心而仰

聖伏冀

皇上俯俞懇請俾遂編排臣等勉效鈔胥恭求

定正載謀剗剗敬乞

序言由百世以等百玉莫大乎是書萬本而讀萬遍可

得而聞從此衍十幹以京垓遞增文萬旨千於

曼壽匯八紘而

鎔鑄共覲登三咸五之

宏謨臣等無任踴躍跂幸之至謹合詞繕摺籲懇

天恩伏祈

皇上聖鑒允行謹

奏

御製文初集

奏摺

道光十年五月

契

日大學士臣曹振鏞

工部尚書臣穆彰阿

右庶子臣祁寯藻

侍講臣許乃普

編修臣池生春

御製文初集目錄

卷之一

經筵御論

善教得民心

君子以自彊不息

欲為君盡君道欲為臣盡臣道

慎乃儉德惟懷永圖

御製文初集

目錄

節用而愛人

三載考績三考黜陟幽明庶績

咸熙

生之者眾食之者寡為之者疾

用之者舒

天地之大德曰生

謹庠序之教申之以孝悌之義

任官惟賢才左右惟其人

卷之二

經筵御論

衆惡之必察焉衆好之必察焉

罔以側言改厥度

立賢無方

師衆也貞正也

御製文初集

目錄

舜好問

明于五刑以弼五教

人有不為也而後可以有為

天之所助者順也人之所助者

信也

居之無倦行之以忠

位不期驕祿不期侈恭儉惟德

無載爾偽

卷之三

臨雍御論

欲脩其身者先正其心欲正其

心者先誠其意

惟精惟一允執厥中

論

御製文初集

目錄

任賢去邪論

頌

聖母恭慈康豫皇太后五旬萬壽恭頌

謹序

卷之四

碑文

昌陵聖德神功碑

卷之五

碑文

平定回疆勦擒逆裔告成太學

碑文

序

新疆識畧序

養正書屋詩文集序

御製文初集

目錄

四

卷之六

序

仁宗睿皇帝聖訓序

仁宗睿皇帝實錄序

卷之七

序

續纂通禮序

平定回疆勦擒逆裔方畧序

記

養正書屋記

跋

恭跋

皇考黃綾詩文本

識語

御製文初集

目錄

五

唐徐賢妃息兵罷役疏識語

檢齋識語

卷之八

諭

諭儀親王成親王召對宴賚不

必行禮

諭各省督撫舉劾文武員弁

申明停止清查各省陋規諭

節省各省督撫鹽政織造關差

年節萬壽呈進方物諭

諭八旗都統副都統清查抱養

民人子孫

整飭內外旗營訓練諭

卷之九

御製文初集 目錄

六

諭

聲色貨利諭 道光元年十一月初八日

書成格陳官俊獲咎事諭各省

督撫學政

諭翰詹科道各衙門進士出身

人員

訓飭內外臣工毋曲法徇私諭

賦

陽春喜雪賦 以題為韻

箴

養心殿四箴

銘

宋澄泥硯銘

再題宋澄泥硯銘

御製文初集 目錄

七

舊端一百四水注硯銘

卷之十

贊

軍機大臣像贊 并序

平定回疆勦擒逆裔四十功臣

像贊 有序

駛雲黃贊

吉俊駟贊

翔玉驄贊

飛霞駿贊

飛黃駿贊

艷光駟贊

御製文初集

目錄

八

御製文初集卷之一

經筵御論

善教得民心

人君代天工治萬姓其任匪輕其事不易故必有以教之也緩征薄斂使民以時恐勞民力也教之樹畜矜恤補助恐民失業也建邑設官懲惡勸善恐民無

御製文初集

卷一

經筵御論

一

告也黨庠州序闡發人倫恐民無學也自古教民之道既明且備何風俗日下民心不壹邪嗚呼三代而還王霸襍施凡古聖王之謨訓咸謂迂闊而難為或智術以馭之或小惠以結之甚至以威刑驅迫之如此而欲得民心不亦遠乎其不流于詖行惑于邪說者亦鮮矣欲

教厥民先正君心蓋君為民心民為君
體心不正百體不能從也且君心正則
知誘物化不能擾亂工巧獻諛者不絕
自遠日夕相親無非朝士大夫咨詢所
論必先勤恤民隱凡有宰制斯民者必
詳加選擇勿致殃民廟堂之上以教化
為先推而至于天下國家莫不重綱常

御製文初集

卷一 經筵御論

二

厲風俗宣揚正道屏絕邪淫小民天良
具在今古不殊未有不可教化者也要
在當時君臣措置何如耳予深願有位
之士各正己以率人心希古訓默化潛
移使下民遷善遠辜奉公親上之心有
不期然而然者也不亦懿與

君子以自彊不息

古聖人乘乾御世取法乎天莫不戒晏
安而尚勤勉也蓋天行至健運轉無停
不息之功覆冒皆賴以生成今以四海
之大兆民之眾雖竭一己之心猶恐力
不逮而功或有間也書曰君子所其無
逸記曰君子莊敬日強此與自彊不息
之功其義一也君人者不慎乎此或委

御製文初集

卷一 經筵御論

三

靡不振好逸惡勞不思天命難謀不念
宗社重大既獲九五之尊罔恤閭閻之
苦甚則縱欲無厭居安忘危左右前後
非容悅則詔諛由是日引月長相習成
性于文明剛健之德不啻霄壤矣念及
此可不精勤自勵夕惕朝乾凜天命非
養尊之位慎大寶非自悅之時惜陰待

旦捉髮吐哺自非聖帝明王孰能舍己
從人若是之勤也何楷謂自彊之法在
主敬不易之論也記曰毋不敬在人君
尤不可斯須去身蓋心存乎敬則畏天
命畏天命則無怠荒無怠荒則政治理
而家國安然非純一不已久而不息不
可得也

御製文初集

卷一

經筵御論

四

欲為君盡君道欲為臣盡臣道

聖人不外乎道人倫首重君臣為君者
體天立極敷治綏猷者也然而分治不
能無人宣猷亦資襄贊譬之調羹濟川
安得舍鹽梅舟楫則人臣有賴焉夫君
也者天道也臣也者地道也人君四海
為家萬民為念實惠均霑虛文不尚若

凜朽索之馭而措磐石之安未嘗一息

怠安啟百年因循之漸不敢一事奢侈
開後世華靡之風人臣體此以君心為
心以君事為事身家之念輕股肱之力
瘁體國經野之謨竊恐忽諸夙夜大法
小廉之戒要期無愧影衮書曰后克艱
厥后臣克艱厥臣君臣一體上下合德

御製文初集

卷一

經筵御論

五

蓋有厚望焉

慎乃儉德惟懷永圖

千古帝王所以肇造開基奄有四海者
未聞以奢侈示天下蓋奢侈必由於縱
欲欲既縱收之實難而萬姓無由化導
且易開趨慕之風久則難於圖治旨哉
伊尹之言誠百世為君之明訓也夫興

工作尚靡麗不足以與言儉固已即好大喜功者徒極一時之盛而治弊隱寓於無窮亦何可與言儉哉所謂儉者宮室必期其卑也飲食必期其菲也不欲以一己之奉累天下以天下之利還之天下凡夫粟米力役之征不能不用民力而用之必以道必以時正所以為之

御製文初集

卷一

經筵御論

六

節用而愛人

易曰節以制度不傷財不害民蓋用度既侈浮靡必多以天生有用之財輕棄於無益之地初未嘗顯然有取於民而

民脂民膏自必暗受其剝削也是以愛民之君必慎修儉德時防奢侈量入為出屏除繁縟時凜卑宮菲食之戒常殷已飢已溺之懷苟能心正意誠檢身若不及凡一切縱欲從奢之舉容悅佞倖之人無從窺伺則治理日見其上矣試思奢侈之原總由於驕滿心志既盈何

御製文初集

卷一

經筵御論

七

所不至任性揮霍僅供一時之娛悅獨不思追呼嗟怨之苦況耶矧夫百姓足君孰與不足百姓不足君孰與足為君之要道先存不以天下奉一人之心躬行節儉民隱周知所以緩征薄斂多方振恤者非干百姓之譽正所以養元氣固邦本行愛人之實政也可無慎乎

三載考績三考黜陟幽明庶績咸

熙

伊古建官分職各率其屬所以宰制萬方奠安庶姓者胥在于是而其人之賢否不可不察功過不可不考故有虞四岳九官十二牧疇咨誥誡至再至三勸其敬事奏功各揚其職然政績之優劣

御製文初集

卷一 經筵御論

八

必得經閱歲時方能論定故三載考績以核其功過歷三考而示以賞罰則賢能者不至淹弃庸凡者亦不能濫廁矣是以周以六計弊羣吏漢以六條定官常晉則委任達官各考所統魏則三歲一考考即黜陟唐之四善二十七最宋之四課七事皆所以定其考課而申黜

陟理明義備洵萬世之良規也嗚呼世

道之汙隆不一而人心之情偽不齊考核之文具在方策得其實者十無二三蓋統察之人不能公正乃心視國事如家事無非按序就班奉行故事或逞一己之愛憎或沽一時之名譽甚則夤緣奔競是非顛倒考最者竟有昏墨不職

御製文初集

卷一 經筵御論

九

之人如此何以肅官方而清吏治興言及此愧恨交加今而後深願有位之士各正乃心各脩其職凜激揚為國政之大典進賢退不肖乃用人之通經慎勿偏存私見德怨報脩更不可心知其非曲意依同佐朝廷務收得人之效而成庶績咸熙之上治我君臣當共凜之慎